

Nunat Avannarliit Killiit Siunnersuisoqatigiiffiata Savalimmiuni naalakkersuisunut, Kalaallit Nunaanni naalakkersuisunut Islandimilu naalakkersuisunut kaammattuutigaa, Nunani avannarlerni killerni taakkulu akornanni ullumikkut sillimaniarnermut illersornissamullu tunngavigisat nassuiaateqarfigeqqullugit, nalilersoqqullugu nunani avannarlerni killerni sillimaniarnej pillugu suleqatigiinneq qanoq ineriartortinneqarsinnaanersoq kivinnejarsinnaanersorlu nunani avannarlerni killerni nunani innuttaasut toqqissisimasumik ataqqinassusilimmillu inuuneqarsinnaalersillugit.

(Aallartitat Siulittaasuut Pipaluk Lyngø)

Akissuteqaat

(Nunanut Allanut, Inuussutissarsiornermut Niuernernullu Naalakkersuisoq)

Siullermeerneqarnera

Nunani Avannarlerni Killerni Inatsisartut aallartitaasa siulittaasuata aalajangiiffigisassatut siunnersuutaanut Naalakkersuisut qujapput.

Nunat Avannarliit Killiit Siunnersuisoqatigiiffiata Savalimmiuni naalakkersuisunut, Kalaallit Nunaanni naalakkersuisunut Islandimilu naalakkersuisunut kaammattuutigaa, Nunani avannarlerni killerni taakkulu akornanni ullumikkut sillimaniarnermut illersornissamullu tunngavigisat nassuiaateqarfigeqqullugit, nalilersoqqullugu nunani avannarlerni killerni sillimaniarnej pillugu suleqatigiinneq qanoq ineriartortinneqarsinnaanersoq kivinnejarsinnaanersorlu nunani avannarlerni killerni nunani innuttaasut toqqissisimasumik ataqqinassusilimmillu inuuneqarsinnaalersillugit.

Aallaqqaasiullugu erseqqissaatigineqartariaqarpoq Kalaallit Nunaanni illersornissamut isumannaallisaanermullu tunngasut aallaaviatigut naalagaaffimmit oqartussaaffigineqarmata. Kalaallit Nunaanni eqqaanilu illersornissamut isumannaallisaanermullu tunngasut pitsanngorsaaffiginiarlugit danskit naalakkersuisuisa ukiuni kingullerni sulinerini Naalakkersuisut qanimut aallaaviatigut akuutinnejartarsimapput. Danskit illersornissamut isumaqatigiissutaanni Issittumut Atlantikullu Avannaanut immikkut suliniutaasigut arlalitsigut tamanna atuuppoq, nunap immikkoortuani Illersornissaqarfiup suliarnik naammassinnittarneranik annertuumik nukittorsaataasoq. Illersornissamut tunngasuni suliasaqarfimmi suliniutit nutaat NATO-p illersoqatigiillu suliasamik naammassinninnerat tapersorsornissaat immikkut sammillugu pivoq.

Aammattaq Naalakkersuisut danskit naalakkersuisorisimasaat peqatigalugit illersornissakkut isumannaallisaanikkullu politikikkut suliniutit nutaat pillugit kalaallit inuiaqatigiit ilanngutitillugit paasissutissiiffigalugillu ingerlaavartumik sammisimavaat matumani ilanngullugit isumannaallisaanikkut politikimi pissutsit suliniutinullu tunuliaqutaasut. Tamanna aamma danskit naalakkersuisuinik nutaanik suleqateqarnermi pingartinnejassaaq.

Illersornissaq isumannaatsuunerlu pillugit nunat tamalaat suleqatiginneranni piusunut arlalinnut immikkoortumi suliamut tunngasuni nunani avannarlerni killerni nunap ilaani aalajangersimasup ilaatut ilaasoq Nunani Avannarlerni Killerni isumannaallisaaneq pillugu suleqatigiissinnaaneq pillugu maluginiarnejartariaqarpoq. Soorlu ukiuni makkunani nunap immikkoortuani ilaatigut ilaavoq NATO-p ukkassinini najuunninilu annertunerulersimmagit. Ingammik tamanna atuuppoq suliniutip Arctic Sentryp suliaqarneratigut, nunat avannarliit killiit peqataasoralugit suleqatigalugillu pivoq naak,

Kalaallit Nunaat, Islandi Savalimmiullu sakkutuunik sakkulersorsimasunik atuisinnaangikkaluartut. Oqallittarfinni pioreersuni nunap immikkoortuani isumannaallisaaneq pillugu suleqatigiinnerup nukittorsarneqarnissaanik suliaqarneq pillugu Naalakkersuisut tapersersorpaat. Tamatuma ilaatigut piffissaq ungasinnerusoq ataavarnerusumillu Issittumi Atlantikullu Avannaani NATO-p najuussinnaanera kingunerissavaa.

Tamanna tunuliaqutaralugu nunani avannarlerni killerni suleqatika naapikkukkit sammisaq qaqissinnaavara.